

Në bazë të Nenit 4 të Rregullores për mënyrën, kriteret dhe procedurën e ndarjes së mjeteve financiare për zbatimin e programeve, projekteve, aktiviteteve programore dhe ngjarjeve për të rinjtë me interes për Qytetin e Shkupit nr. 08-8571/1 datë 16.07.2026, dhe në lidhje me Programin për aktivitete në fushën e sportit dhe të rinjve në Qytetin e Shkupit për vitin 2026 ("Gazeta Zyrtare e Qytetit të Shkupit" nr. 14/25 dhe 3/26), Qyteti i Shkupit shpall:

THIRRJE PUBLIKE

për ndarjen e mjeteve financiare për realizimin e programeve, projekteve, aktiviteteve programore dhe manifestimeve për të rinjtë me interes për Qytetin e Shkupit për vitin 2026

1. Lënda e Thirrjes publike

1.1. Lënda e thirrjes publike është ndarja e mjeteve financiare për realizimin e programeve, projekteve, aktiviteteve programore dhe manifestimeve për të rinjtë në interes të Qytetit të Shkupit për vitin 2026, me qëllim përkrahjen e të rinjve dhe avancimit të pozitës së tyre në shoqëri.

1.2. Mjetet nga pika 1.1. janë të siguruara nga Buxheti i Qytetit të Shkupit për vitin 2026.

1.3. Ndarja e mjeteve financiare për programet, projektet, aktivitetet programore dhe manifestimeve për të rinjtë në interes të Qytetit të Shkupit për vitin 2026, përcaktohet me kushte dhe kriteret të veçanta, të cilat janë pjesë përbërëse e Rregullores për mënyrën, kushtet dhe procedurën për ndarjen e mjeteve financiare për realizimin e programeve, projekteve, aktiviteteve programore dhe manifestimeve për të rinjtë në interes të Qytetit të Shkupit nr. 08-8571/1 të datës 16.07.2026, që janë pjesë përbërëse e kësaj thirrjeje publike.

2. E drejta për pjesëmarrje në Thirrjen publike

Të drejtë për pjesëmarrje në Thirrjen publike kanë shoqatat civile, organizatat jo qeveritare, fondacionet dhe personat tjerë juridikë (në tekstin e mëtejshëm: personat juridikë), të regjistruar në Regjistrin Qendror me seli në Shkup dhe personat fizikë – të rinjtë e talentuar individ banorë të qytetit të Shkupit, të moshës nga 15 – 29 vjeçar të cilët do t'i plotësojnë kriteret e Rregullores dhe që do të dorëzojnë dokumentacionin e nevojshëm.

3. Fushat e pjesëmarrjes për aplikantët

Qyteti i Shkupit do të ndajë mjete financiare për programe, projekte, aktivitete dhe manifestime rinore, për pjesëmarrje në fushat e mëposhtme:

3.1. Inkurajimi i të rinjve për pjesëmarrje aktive në shoqëri nëpërmjet afirmimit dhe mbështetjes së aktiviteteve rinore, punës rinore dhe edukimit joformal në territorin e qytetit të Shkupit;

3.2. Inkurajimi i lidhjeve, shoqatave dhe formave të tjera të asociimit për të marrë pjesë në krijimin dhe zbatimin e politikës rinore në Shkup, duke përfshirë forcimin e kapaciteteve të shoqatave dhe organizatave rinore në territorin e qytetit të Shkupit;

3.3. Sigurimi i kushteve për shfrytëzim aktiv dhe cilësor të kohës së lirë për të rinjtë;

3.4. Inkurajimi i të rinjve për të krijuar ide në fushën e teknologjisë së informacionit;

3.5. Inkurajimi i aktiviteteve vullnetare mes të rinjve dhe përvoja organizative në panairt e sipërmarrjes, organizimi i "IT MITAP (IT MEETUP) HAKATONI" - evente për zhvillimin e inovacioneve (mjete specifike, metoda, aktivitete, qasje dhe modele për të punuar me të rinjtë) për përfshirje dhe pjesëmarrje aktive të të rinjve dhe mbështetje për zhvillimin e tyre personal dhe social, si dhe organizimin e seminareve dhe edukimeve për të rinjtë;

3.6. Nxitja e aktiviteteve në fushën e kulturës dhe artit të të rinjve në territorin e qytetit të Shkupit;

3.7. Inkurajimi i të rinjve për të marrë pjesë në aktivitete sportive dhe rekreative me theks në kultivimin e shprehive të jetesës së shëndetshme dhe mbështetje për aktivitete për këshillim psikologjik falas të sportistëve të rinj, anëtarëve të klubeve dhe ekipeve sportive në territorin e qytetit të Shkupit;

3.8. Mbështetja e aktiviteteve dhe projekteve për mbrojtjen e mjedisit dhe planifikimin hapësinor në Shkup;

3.9. Mbështetje për aktivitetet e integritetit dhe përfshirjen aktive të "NEET (NEET) grupit të të rinjve", me qëllim uljen e papunësisë tek të rinjtë, forcimin dhe rrjetëzimin e grupit të të rinjve NEET, përmes rritjes së bashkëpunimit të sektorit të të rinjve me institucione të ndryshme në nivel kombëtar dhe lokal.

4. Kushtet dhe kriteret e përgjithshme

4.1. Aplikantët janë të detyruar të dorëzojnë aplikimin për fushat e përcaktuara nga pika 3 e Thirrjes publike.

4.2. Aplikacionet e dorëzuara duhet ti plotësojnë kriteret e përgjithshme dhe ato të pikëzimit që janë pjesë përbërëse e Rregullores, të cilat do të publikohen në faqen zyrtare të Qytetit të Shkupit. (www.skopje.gov.mk).

4.3. Në procedurën për ndarjen e mjeteve financiare nga Programi për aktivitete nga sfera e sportit dhe të rinjve në qytetin e Shkupit për vitin 2026, do të pranohen ato programe, projekte, aktivitete programore dhe manifestime të cilat sipas kriterëve dhe listave të pikëve, do të sigurojë të paktën **60 pikë**.

5. Mënyra e aplikimit dhe dokumentacioni i detyrueshëm

Aplikantët, personat juridikë dhe personat fizikë – të rinjtë e talentuar si individë, për aplikim në Thirrjen publike, janë të detyruar të dorëzojnë dokumentacionin e mëposhtëm:

5.1. Personat juridikë - shoqatat civile, organizatat joqeveritare, fondacionet dhe personat e tjerë juridikë duhet të dorëzojnë:

- a) Aplikim i plotësuar (aplikimi do të publikohet në ueb faqen e Qytetit të Shkupit: www.skopje.gov.mk);
- b) Kopja e Aktvendimit për regjistrim në Regjistrin Qendror të Republikës së Maqedonisë së Veriut;
- c) Kopja e gjendjes aktuale të subjektit për veprimtari të regjistruar jo më e vjetër se 6 muaj, e lëshuar nga Regjistri Qendror i Republikës së Maqedonisë së Veriut;
- d) Vërtetim për xhiro-llogari bankare të hapur dhe aktive;
- e) Lista referuese e programeve, projekteve dhe aktiviteteve programore dhe e manifestimeve të realizuara më parë, gjatë tre viteve të fundit;

5.2. Personat fizikë – individët e talentuar duhet të dorëzojnë:

- a) Aplikim i plotësuar (aplikimi do të publikohet në ueb faqen e Qytetit të Shkupit: www.skopje.gov.mk);
- b) Biografi e shkurtër dhe CV e aplikantit;
- c) Dëshmi për vendbanim në qytetin e Shkupit (banorë në komunat: Aerodrom, Butel, Gazi Babë, Gjorçe Petrov, Karposh, Kisella Vodë, Saraj, Qendër, Çair dhe Shuto Orizare);
- d) Kopje e fletës së parme të llogarisë së transaksionit (që është personale e aplikantit, jo e autorizuar nga person i tretë, dhe nëse aplikanti është person i moshës së mitur, llogaria e transaksionit duhet të jetë ekskluzivisht personale e aplikuesit të autorizuar nga ana e prindit/kujdestarit).

6. Afati dhe mënyra e dorëzimit të aplikimeve

6.1. Thirrja publike publikohet në ueb faqen e Qytetit të Shkupit (www.skopje.gov.mk),

6.2. Thirrja publike do të zgjasë 15 ditë, llogaritur nga dita e shpalljes.

6.3. Dokumentacionin e nevojshëm, në zarf të mbyllur, aplikantët e dorëzojnë pranë Komisionit nëpërmjet Arkivit të Qytetit të Shkupit (baraka 16), me shënimin: "Drejtuar Sektorit për veprimtari publike - Komisioni për realizimin e procedurës për ndarjen e mjeteve financiare për programet, projektet, aktivitetet programore dhe manifestimet për të rinjtë me interes për Qytetin e Shkupit për vitin 2026".

6.4. Zarfi nuk duhet të përmbajë asnjë shenjë që mund të identifikojë aplikantin.

6.5. Aplikimi me dokumentacionin e nevojshëm dorëzohet në një kopje origjinale, të plotësuar në mënyrë elektronike, i nënshkruar dhe vërtetuar/vulosur nga personi përgjegjës i aplikantit.

7. Mënyra e realizimit të Thirrjes publike

7.1. Me qëllim përcaktimin e përmbushjes së kriterëve nga Rregullorja për mënyrën, kushtet dhe procedurën për ndarjen e mjeteve financiare, kryetari i Qytetit të Shkupit formon Komisionin për zbatimin e procedurës për ndarjen e mjeteve financiare për programet, projektet, aktivitetet programore dhe manifestimet për të rinjtë me interes për Qytetin e Shkupit për vitin 2026.

7.2. Për aplikimet që janë dorëzuar, të plota në kohë dhe të cilat i plotësojnë kriteret e Rregullores, Komisioni dorëzon propozimin pranë kryetarit të Qytetit për ndarjen e mjeteve financiare aplikantëve të cilët kanë plotësuar kushtet.

7.3. Kryetari i Qytetit të Shkupit, me propozim të Komisionit, miraton Aktvendim për ndarjen e mjeteve financiare.

7.4. Komisioni nuk do të shqyrtojë aplikimet e dorëzuara me vonesë.

7.5. Aplikimet e plotësuara me shkrim dore nuk do të merren fare në shqyrtim.

7.6. Komisioni do t'i njoftojë aplikantët, aplikimet e të cilëve janë pranuar dhe aplikantët, aplikimet e të cilëve janë refuzuar si të dorëzuara, të paplota me vonesë dhe që nuk i plotësojnë kriteret e Rregullores.

Për informacione plotësuese:

Informacione plotësuese mund të merren në Sektorin për veprimtari publike – Seksioni për sport dhe të rinj, në telefonat: 3297-238 dhe 3297-320.

QYTETI I SHKUPIT